

摘藻堂四庫全書薈要

史部

欽定四庫全書薈要

史部

硃批諭旨卷五十三

詳校官編修臣繆晉

欽定四庫全書薈要卷七千九百四十五

史部

硃批諭旨卷五十三

硃批武格奏摺

雍正七年四月初八日西安巡撫臣武格謹

奏為奏

聞事竊臣於三月初十日自京起程於四月初二日已

抵西安府臣署任事隨另具

題奏恭謝

天恩伏思

臣

庸愚下質荷蒙

異數隆恩至優至渥感激之忱實難言喻惟有凜誌龜

勉永矢勿諼而已

臣

起身之日住長新店是夜霖

雨大霈次日住涿州復夜雨達旦二十一日行至

山西祁縣地方春雨連綿四野霑足二十九日過

蒲州府得雨雖微然晴日未久土脉益覺滋潤沿

途惟見麥苗青蔥秀發迨潼關至西安府城麥苗

愈見蔥鬱已有吐莖出苞者現在糧價平減羣黎

共樂盈寧至沿途錢價每兩換大錢一千文間有  
低昂相去亦不過一二分再所過村莊房屋每多  
修葺臣目覩情形深為慶幸理合繕摺奏

聞仰紆

聖懷謹

奏

近日聞得陝甘微覺缺雨爾等督撫惟當恪秉一誠上  
格

穹蒼河南望雨甚殷直隸南四府亦甚望雨近京一帶雖不至旱雨澤亦未為調勻朕因此深以為憂也

朕另有諭汝之旨令學士德祿到西安口傳

雍正七年五月十一日西安巡撫

臣

武格謹

奏為叩謝

天恩事雍正七年五月初七日内閣學士德祿至陝

臣

迎接郊外跪請

聖安德祿密宣

上諭武格前在署理奉天將軍任內不應將一年養廉銀二千兩全行支領著即差人送與現任將軍多索理等因欽此

臣

跪聆之下惶懼愧悔無地自容五月

初四日接奉怡親王諭帖當即將

臣

巡撫任內養

廉銀二千兩差家人起解間又想起在署將軍任內曾領過本年春季分執事銀一百六十二兩於五月初六日一併送交奉天將軍矣

臣

仰蒙

恩遇至優至渥乃不深自儆省始則冒昧關支繼又不

行奏明疎忽昏昧罪復何辭今蒙

皇恩寬宥指示教誨即天地之包容父母之慈愛亦不  
能至是惟有銘勒肺腑於操守一節朝夕冰兢凜  
天威於咫尺期補過於將來而已為此繕摺叩

謝

天恩謹

奏

汝之操守二字朕難信矣慎為之以後諸凡過誤朕皆



原情恕宥若於此一節再有毫釐干犯必置於法斷不姑寬非朕獨嚴於汝蓋緣用人顏面攸關其勢不得不然耳時當捫心自儆更將陞辭時面奏之語常念勿忘

雍正七年六月十八日署理總督臣查郎阿西安

巡撫臣武格謹

奏為奏請

聖鑒事竊惟為政首在得人安民尤貴察吏臣蒙

皇上天恩畀以封疆重任於到陝之初未知屬員賢否

因思司道府直隸州均有表率屬員之責

臣

即分

檄密查令將所屬賢否據實開報并飭令各舉所知去後隨據各司道府直隸州陸續開報大率惟以屬員莅任不久未知確實游移詳覆者居多

臣

思陝省州縣正印幾及百員何至俱屬新任隨細加確查始知試用人員有委署二三月而即行改委者又有未及一年而三易其地者無怪乎均有莅任不久未知確實之詳也

臣

查試用人員原經

奉

旨如好具題補授如不能辦理地方事務該督撫將該員出具考語送部引見請旨其庸劣者即行題叅欽此嗣經部議試用人員扣限一年分別具題等因奉

旨依議欽遵各在案今陝省一年之內屢經改委如係調繁則該員必屬才守兼優應即遵

旨具題補授如係調簡則該員必屬不能辦理地方事

務應即遵

旨送部引

見今若不行題請屢次更易在該員尚不知民情土俗而上司何由知其才具操守耶臣愚以此等試用人員有庸劣者應遵

旨即行題叅如有才守出衆者亦即據實保題其餘委署試用人員不得於數月之間擅行更調均請照例扣限一年俾得體察民情土俗從容料理展其

所長則才守優劣判然可見如果實心盡職具題  
補授如不能辦事將該員出具考語送部引

見庶人材得收實用於吏治民生似有裨益臣等愚昧  
之見未知可否謹會同繕摺恭

奏伏祈

皇上睿鑒施行謹

奏

汝等既欲如此辦理姑試行看但恐拘定例限不得任

意調用反覺窒礙難行必至後悔況改調之權操在汝等與他人無預若能令庸員久試劇任賢員久任簡地不煩更易而事亦不誤乃朕求之而不得者豈有將發往人員喜令汝等朝更暮易之情理耶今係出於汝等奏請若朕勒令為此力所不能期必之事則心有所不忍也此奏甚屬無味

西安巡撫

臣

武格謹

奏為奏請

聖鑒事竊查錢糧倉儲最關緊要

臣

到任兩月以來屢

檄飭查據司道府直隸州申覆細為查對多不符

合皆以錢糧之款項繁多完欠出入一時不能畫

一無憑核實開報則是必待奏銷後始有冊籍可

以稽查如果挨年奏銷亦必於次年五月方知上

年確數而況陝省自雍正四年至今不行奏銷已

三年矣倘內中有那新掩舊以完作欠出入混淆

借名影射等弊何由查究今

臣

輾轉思維行令各

州縣立一印信月報於每月初三日將前月徵收  
解支各項開列款目填註細數造具四柱印單徑  
報臣衙門查考其一切正雜新舊錢糧俱有款額  
每月將徵存解支四柱細數開報委員拆併盤驗  
便難掩飾惟倉儲陳陳相因糧數繁多非徹底盤  
量虛實難知今現在委員分頭處處盤量但盤清  
之後若不立法令其按月開報恐弊竇復生今令  
照錢糧報單款式每月將額徵民屯本折若干支



兵起解若干取獲批收月日出糶者銀存何處已  
借者按例催追一切數目俱令開明申報使之不  
能欺隱便易盤查再課稅贏餘未必全數實報恐  
有不肖之員或稍報些微外博無隱之名內侵贏  
餘之實至牙帖雖由布政司頒發然州縣之濫給  
地棍之朋剝民膏而漁利者恐復不少也今併  
令行月報之法則綱舉目張明若列眉便易稽查  
夫每月將倉庫各項使之和盤托出自當觸目儆

心知所顧忌併行各該管道府直隸知州俱各造  
送月報以防州縣之捏開俾道府州亦得勤於察  
查臣復按月報各單細加磨對并密委賢員不時  
稽察如此則盤查嚴密而於錢糧倉儲不無裨益  
矣是否可行伏祈

皇上睿鑒訓示謹

奏

所奏未嘗不是但汝甫經到任一切未能洞悉現在又

值大兵出口軍需事冗如此急遽辦理殊覺太驟果具有燭姦釐弊心力盡且密察暗訪胸中一一了然無疑之後方徐徐次第施設不但不被人欺亦可自免乖謬之咎於汝陞辭時朕經切諭似此舉動毫無從容氣象為汝甚憂之查郎阿和平穩妥事事與之商酌而行不可自恃臆見以求速效

雍正七年七月初九日西安巡撫

臣武格謹

奏為奏

聞事竊臣來陝時蒙

聖主知遇之隆不以臣謏劣

恩命提撥將軍常色禮臣欽領

訓旨謹誌肺腑到任以來凡將軍一切事務無一不隨

處留心臣聞得將軍與副都統辦事各執已見不

能和衷因此臣面問將軍常色禮據云西安八旗

原設先鋒二百名嗣經陸續挑選增添統計前後

共有六百名然先鋒每月錢糧仍照兵丁二兩之

數支給雍正元年年羹堯傳

旨將八旗先鋒每名每月加增銀一兩經原署將軍伊  
理布代兵丁具

題謝

恩在案今副都統琢爾以為續添先鋒名數過多應酌  
議裁減但兵丁內惟先鋒最為緊要况蒙

皇上恩賞錢糧已經

奏謝不便請裁等語

臣

對常色禮云當查明添設先

鋒緣由與副都統等斟酌辦理不必固執又常色

禮向

臣

云副都統蘓穆爾濟謝

恩摺子蒙

皇上硃批訓旨西安駐防事務俱著照寧夏將軍席伯  
之所行辦理欽此我遵

旨要將寧夏所行之例傳諭八旗因同副都統等商議  
據蘓穆爾濟琢磨二人云寧夏例佐領等官街上  
遇見將軍副都統俱下馬站立今應傳諭西安八

旗佐領等亦照寧夏之例下馬再者西安有臨潼湯泉應將旗下婦女坐湯一事永行禁止如有違禁縱容婦女坐湯者將伊夫男併伊長親嚴行治罪我因回云佐領等官路遇將軍副都統下馬之處自有一定儀注不便拘定照寧夏之例應照儀注定例遵行再婦女坐湯一事原因有病方去坐湯若無病而婦女出外遊玩自應嚴行禁止今不行分別概行嚴禁似屬未協除此二事之外一切

事務俱導

旨照寧夏之例多寫告示傳諭八旗告示業已寫就琢  
鵠蘓穆爾濟云不將此二事叙入我們不放官銜  
因二人意見不同是以告示至今停擱等語臣對  
常色禮云伊等雖各執意見自應導

旨一面辦理一面密

奏不宜停擱細看將軍臣常色禮與副都統臣琢鵠  
等彼此不能和衷辦事恐於地方無益謹繕密摺



奏

聞伏祈

皇上睿鑒謹

奏

此所奏已悉又張正文與常色禮較論收馬之處為何  
隱而未奏

同日又

奏為奏請

睿裁事竊

臣

細查各州縣存倉糧石有興安州於康熙

四十五年江水泛漲衝塌城垣房屋漂沒各項倉糧共六千四百四十九石零前撫

臣

鄂海以此項

漂沒糧石皆兵丁積蓄之需不便虧缺

題請令官紳士庶不拘多寡儘力捐輸按年咨部足額停止在案現在按限每年咨報但自四十五年題請捐補以來至今二十餘載止捐過糧共七百九十餘石尚虧欠糧五千六百五十餘石零若聽從

民便捐輸究無完補之期若嚴催勸捐又恐不肖官吏借名勒派伏思我

皇上念切民生凡有利益於地方者不惜數百萬帑金恩賜蠲免今此數千石之糧臣愚以為似可不必勸官

紳士庶公捐以致積歲累年有名無實徒使倉儲虛懸臣查陝省現動五分耗羨發各州縣採買糧

石存貯社倉興安州漂沒之糧應否竟動五分公項買補足額以免催捐之累以實倉儲之用謹密

摺奏

聞伏祈

皇上睿裁施行謹

奏

此奏是候朕另有諭旨

聞爾嬾接屬員倚信所用堂官其人雖無勒索情弊每  
虛張威勢惹人厭憎汝等督撫大吏若深居高拱怠於  
接見屬員則斷不能無忝封疆之任況爾於漢字文檄

未諳土俗民情未悉如又不謙恭延訪虛衷博採何以  
知利弊之應興應除何以知有司之某優某劣且上下  
情意既不浹洽諸事何由斟酌損益所難者守令分治  
各地相隔遼遠不便常時調至相商耳豈有到門守候  
致令空回之理觀汝大有亡而為有虛而為盈驕矜自  
是不稱厥職光景現在事務不悉心向是當處講求惟  
以搜剔已往苛刻為事是乃所以自誤也嗣後當平心  
靜氣謙虛下人隨辦隨學今奉朕如此訓誨倘仍不返

省已過竭力改勉則誠為辜負簡擢一無用之物矣況  
堂官之稱朕經屢禁督撫不許復用何得重蹈故轍觀  
爾自到任受事以來所奏所辦率多任性自用無非一  
己之粗淺識見而已至於朕所教導者一事未能遵行  
得無將朕之訓旨盡皆遺忘乎試將日前於陛辭時數  
次所奉之旨以滿文備悉錄出齎呈朕覽

雍正七年閏七月二十日署理總督臣查郎阿西

安巡撫臣武格謹

奏為回奏事竊臣等前奏委署試用人員一摺於雍

正七年七月二十一日奉到

硃批諭旨臣等跪讀之下仰見我

皇上詳慎用人務期至當臣等才識粗鄙不計事之可

行與否冒昧陳

奏實屬草率今奉

諭旨訓示臣等恍然省悟惟有細心斟酌因材任使務

期吏治民生均有實濟以上副

聖主誨勉之至意理合繕摺回

奏恭繳原奉

硃批伏祈

皇上睿鑒謹

奏

汝不計事之可行與否冒昧草率猶幸於朕前陳奏尚  
可蒙朕訓諭令汝恍然省悟若任此粗鄙孟浪強不知  
為知之心措置地方事務恐屬員未必盡情直言規諫



汝等也其害可勝言乎朕昨批諭武格摺內有凡事必須了然明白胸有成竹之後方徐徐次第料理如此急驟恐有乖舛之訓誠不謬矣不寧惟是即此朕前孟浪陳奏觀之地方上必有區處不協事件宜詳加體察更正不可粉飾自欺致令有所貽悞至於統率屬員之難再經幾時益當洞然明白是乃苦事非榮事也所以聖人有為臣不易之語非明達公忠之賢臣不可與言此不易二字慎為之總之若不虛已廣諮斷不能有所長

進也試行看

同日又

奏為回奏事竊臣前奏設立月報清查錢糧倉庫一

摺於雍正七年七月二十一日奉到

硃批臣跪讀

聖訓感悚交集臣質本庸愚遇事急遽未能詳悉慎始

豈能措置合宜今蒙

聖恩高厚諄切訓誡皆由

皇上愛臣之深望臣之切務使臣小心謹慎不至欲速

誤事實臣之所感泣銘心而不敢不痛加改勉者

也臣欽導

訓旨嗣後凡事當密加察訪會同署督臣查郎阿細為  
商酌次第舉行不敢自恃臆見以求速效致有貽  
誤理合繕摺回

奏所有奉到

硃批一併恭繳謹

奏

應痛加改勉與否在汝之捫心自問也

同日又

奏為據實陳情仰祈

睿鑒事雍正七年閏七月十三日齋摺家人回陝臣跪

讀

硃批諭旨感懼惶悚無地自容謹將

陛辭前數次所奉

訓旨恭錄滿文另摺敬呈

御覽外伏讀

諭旨以臣懶見屬員擅用堂官上厓

宸衷臣不敢不據實陳情臣謬膺封疆初任外吏地方

謁見之屬員中必有併手本不能遽入者在朕所聽聞事務未能周知凡有屬員謁見無論職之大小必

細加體察問其民風土俗併觀其言論舉動分別

勝汝自察即此一事知汝自以為是之愚矣改過二字其優劣能否填註手本現有內簿登記臣之下情

朕曷

敢望汝以吏治全賴諮訪正欲接見以擴宵臆何敢稍自

疎懶也再臣深慮堂官滋弊況欽奉

諭旨敢不益加凜惕因思年長家人恐仍涉堂官名色

老成

解事家人尚不可用乃委一蠢鈍無知之小子是

或啓弊端再四籌畫揀一幼年蠢鈍小子令其傳

何意

見尤屬可笑朕前所諭虛張威勢惹人厭憎之形

稟之外一切不令與聞至臣自揣愚拙事未練習

狀逼

肖如繪矣此等無知蠢物焉知天之高地之厚於

又不識漢文從前與督臣岳鍾琪共事無一不請

汝不

見處何事不為汝雖不令與開一事其奈伊事事

教而行近與署督臣查郎阿共事諸凡商酌亦未

欲聞

欲知何汝猶強辯不休殊可謂無知蠢鈍之極

敢率意徑行惟屬員案件舛錯不合情理嚴加駁

飭者甚多從不敢瞻顧徇情伏思臣至愚極陋一

無知能仰沐

皇上天恩洊歷封疆重任所恃以仰答

聖明者止此一點微忱不敢因循游移此實臣之下情

也今蒙

聖主垂念教訓臣自當欽遵凜誌平心靜氣謙虛下人

隨辦隨學以仰副我

皇上屬望之至意謹繕摺奏

聞恭綴

硃批謹

奏

能否欽遵凜誌須看汝祖父之積德暨汝之福量何如  
亦非朕所能强者

同日又

奏為奏

聞事竊

臣

前奏將軍常色禮與副都統琢鼐等不能和

衷一摺奉有



硃批臣伏查大兵西征摘發西安駐防八旗馬九千匹

每馬一匹照例價銀八兩在司庫給發將軍副都  
統分給八旗官員買補後據八旗官員買到馬匹  
內有騾馬將軍副都統驗收時常色禮要將騾馬  
一併驗收副都統張正文云我已傳諭所管漢軍  
不收騾馬常色禮云若不收騾馬兵丁等如何擔  
得起張正文云我不收騾馬情由將軍不妨具奏  
因而彼此較論後八旗滿洲蒙古漢軍已將騾馬

一例驗收矣是以臣不敢具

奏茲奉

諭旨下詢臣謹繕摺奏

聞併繳

硃批奏摺謹

奏

凡有奏聞當盡情無隱若藏頭露尾或於事中擇一二件或於言中擇一二句巧為陳說以作曾奏過三字地

步朕所深惡者汝此奏即係不盡情之一端也誌之戒之

雍正七年九月初三日西安巡撫臣武格謹

奏為恭繳

硃批奏摺事雍正七年八月二十三日奉到

硃批諭旨四摺臣跪讀

聖訓不禁感激涕零悚愧交集竊臣至愚極蠢事多孟

浪蒙

皇上天恩不加譴責乃諄切

訓誨反覆開導使臣得以悔悟修省臣感戴

皇仁凜遵

聖訓惟有刻自改勉事事體察小心謹慎虛已學習勉  
効駕駘以仰副

皇上勉勵之至意所有奉到

硃批四摺臣謹繕摺恭繳伏祈

睿鑒謹

奏

修福作孽俱在爾自為朕何能強之使然耶

一六月大旱督撫率同各官在龍神廟祈禱雨  
澤正齋戒禁屠時將軍常色禮屢請兩院喫肉  
頗有物議又巡撫於齋所坐間向署督談及五  
月十三牛肉之美言之津津吩咐縣官八月丁  
祭必要肥大之牛聞者莫不掩口又齋戒時院  
署仍要鵝鴨等物時百姓望雨甚急謂官員並

不誠心祈禱大有謗言此固小疵但地方大吏一舉一動萬耳萬目觀瞻指摘大吏等任性而行信口而談自難免於萬口之訾議也

一署督查郎阿初歷外任於地方事未能深悉但平易近人留心訪求頗有虛懷受善不自滿假之意每自以不通漢文專靠幕賓為憾

一巡撫武格數月來操守固無可疑但凡事不知本末不識緩急如四五月內大將軍出師時

正在軍務殷繁無一閒員忽將府廳州縣飛檄  
紛委各屬盤糧有以軍務緊要稟請寬限者即  
加嗔責致各員顧此失彼周章失措夫盤糧寧  
非正事但軍務更為重大盤糧稍緩時日未妨  
也又嚴飭查報月摺所列款項重複瑣屑全無  
關係令道府州各將所屬官員一月內事實於  
每月初開列呈報今日審狀明日比糧今日相  
驗明日查勘開載紛繁無關緊要且妄駁文移

不按繩墨舛錯倒亂前後矛盾致下屬莫知適從競傳其所用幕賓林姓乃前撫西琳舊幕王姓係前甘撫莽鵠立舊幕巡撫誤信前撫之言任用不疑巡撫原於漢文不諳而地方事務全係漢文故幕賓得以恣肆也即署督查郎阿亦對司道有撫院相公果然混開無怪外邊議論之言而藩司張廷棟臬司碩色亦各懷疑貳時有憤懣不平之語再巡撫初到任審訊叅革清



澗令陳錦私派一案當堂只說得一句你要據

實供其後總是書辦在旁問供後書辦說此案

須駁巡撫點首而退傳者駭異嗣後審事多係

書辦問話初臣未信曾面詢岐山縣盜案内犯

官莊東中王嘉賓等謂果係書辦問話及督標

中軍署副將王友詢街中遇巡撫家人騎馬衝

撞標役原未認得呵斥是實巡撫家人即大怒

以鞭趕打王友詢欲稟巡撫為撫標中軍孫王

法勸止閏七月十五日王友詢循例上衙門稟  
揖巡撫傳進待茶友詢一嘗即回巡撫此茶是  
毒藥巡撫笑謂拏來我嘗大加驚詫王友詢因  
備述前事巡撫乃諭令責處家人以好言安慰  
而出當經王友詢稟知署督而遍城皆傳究未  
知茶內果著何穢物聞亦非毒也以臣細察巡  
撫外貌似有才情可以辦事但心不虛公徒形  
其剛愎之氣故善言不入而耳目壅蔽識見偏

僻不順乎情理之宜故任意妄行而張弛悖謬  
遂致内幕之欺朦蠹吏之舞文家人之狂誕俱  
在所不免矣

一閏七月初二日各官齊集城隍廟宣講

上諭藩司傳集奉

旨發來補用人員驗看內有朱一蜚者督撫謂此禮  
部錢大人外甥可委署高陵縣知縣時驗看各  
員俱露不平之色於督撫既散後有監生范榮

者跪於藩司張廷棟之前大聲謂卑職等俱係奉

旨保舉來的如卑職等辦不得事情愿咨回藩司默然司道散後各員又向府廳等官紛紛有言大概謂大人徇私廢公之意由錢大人一語招之也

一鳳翔縣額徵鹽課銀六百餘兩知縣任樞南按丁加派至一千二百兩署扶風縣知縣陳恭

徵收鹽課耗羨重至加三且以大戥稱收貪縱  
無忌寶鷄岐山郿縣三處鹽耗亦重加三查陝  
省徵收地丁耗止加二俱解司庫充公今鳳翔  
等五縣徵收課銀或倍徵或重耗並不歸公侵  
蝕銀二千二百餘兩臣職司鹽法訪察確實於  
本年五月十一日詳報督撫鹽三院惟鹽院嚴  
批總督因出師在即軍務倥傯未及批示巡撫  
不知何故置之不問至今已逾三月竟視為尋

常不干

功令之事矣及任樞南因考棚科派為學政朱曙  
孫查出

題叅督撫亦隨趕叅查派數無多贓非入已視倍  
徵鹽課婪贓入已為數又多者輕重大懸乃舍  
大叅小未審何以顛倒至此也

今被人如此譏議試回思前此數次批諭無一語不中  
汝病大抵身居上位衆目之所具瞻苟一言一動不加

詳慎人即從而輕蔑哂鄙之矣一為屬吏兵民之所哂鄙尚何令之可行何事之可舉也外任地方尤非滿洲旗下相習可比稍不檢點輒致物議即如今日爾之顏面安在此等雌黃之語汝何由得聞方且日受欺諛之詞泰然自足居上位之難於斯不更可見乎若不廣開耳目虛已以求直言徒尚一偏之見汝雖自以為是爭奈人不以為是何嗣後仍不痛切改悔逐處省察加意勉勵則真為一無用之棄材矣

雍正七年九月十五日西安巡撫臣武格謹

奏為遵

旨回奏事雍正七年九月初八日奉到

硃批諭旨發來一摺汝同查郎阿看畢各具摺回奏欽  
此又蒙

聖恩訓誨諄諄

臣

跪讀之下不勝戰慄悚懼之至謹遵

旨將奏摺內所列各款逐一登答據實奏

聞仰懇



聖主鑒察

一摺開六月禱雨齋戒時將軍常色禮屢請兩院

喫肉等語

臣

查本年自六月十七日得雨之後天

氣稍旱隨於六月二十六日會同督臣並司道等

官設壇祈禱即陸續得雨將軍常色禮七月初八

日還願請

臣

喫肉一次在開屠之後並非齋戒之

時又摺開

臣

於齋戒之所向署督臣談及牛肉之

美吩咐縣官八月丁祭必要肥大之牛等語

臣查

# 丁祭乃

朕料

國家之大典豈有於大廷廣衆之地齋戒禱雨之時而為此卑鄙之語臣雖極粗魯亦愚不至此兩縣

現在一問虛實立辨又摺開臣於齋戒時仍要鸞

鴨等語齋戒係臣等督撫專主之事臣於祈雨三

日前出示齋戒禁止屠沽誠恐軍民人等或有犯

禁時加嚴查豈有臣衙門竟先犯禁之理臣衙門

執事員役甚衆有無此事衆人皆知斷難掩飾

一摺開臣不識本末緩急正在軍務殷繁紛委各

屬盤糧等語臣於到任後曾與大將軍臣岳鍾琪

朕前

諭

汝

徐

徐

次

第

設

施

之

旨

甚

明

似

此

俱

屬

巧

辭

面同商議分檄委查並不將承辦軍務之員令其

舍急就緩亦並無屬員以軍務緊要稟請寬限之

事現有委盤之州縣可證

一摺開

臣

查報月摺全無關係等語

臣

到任後查

得自雍正四年以來各項錢糧尚未奏銷各屬申報庫貯混雜不清通省完欠實在數目臣衙門並

無冊案可查是以每月令各屬造送月報以防州

縣之捏開前經

於

汝之前奏即覺不安業經批飭矣何待今此之瀆陳

奏明無非慎重錢糧之意並非於審狀比糧相驗查

勘一切瑣屑之事故為苛察也

一摺開

臣

妄駁文移所用幕賓林姓王姓誤信前

撫之言任用不疑故幕賓得以恣肆等語

臣

之幕

賓林蘭王孟學二人雖係前撫

臣

西琳莽鵠立之

舊幕皆

臣

前在京時訪問延請並非莽鵠立等所

薦臣於屬員詳報案件例有未協必加批駁所辦

自既

不諳文檄若云不倚幕賓辦事恐未必然幕賓之

之事現皆有案今云幕賓得以恣肆又云不按繩

肆志

與否雖未可言其必有必無因倚仗幕賓外招物

議情

墨舛錯倒亂前後矛盾何不將錯亂案件逐一指

出理顯臣然向後謹慎防範則已何必吹吹辯論

理了然胸中方敢舉行並無幕賓恣肆之處

一摺開臣審事多係書辦問話等語臣蒙

聖恩辦理刑名事件三年有餘何至不能問供而竟假

此

條原屬太過

借書辦使伊等得以舞文作弊也

一摺開

臣

家人於督標中軍副將王友詢稟揖之

時茶內著以穢物等語閏七月初十日

臣

赴會府

臣家人六兒後來路遇西安城守叅將王廷極跟

役呵斥下馬與

臣

家人分辯而散

臣

實未之知也

後王廷極到

臣

衙門

臣

傳見

待茶

王廷極稱

茶內

可見

物必先腐而後蟲生嫌疑無故而起也何論人

味鹹

臣

接嘗其

味果

鹹

王廷極

遂備

述前事

臣

即

名之

錯誤與否

將家人

發交

中軍官

重責

並非

王友詢

之事

亦非

穢物也

一摺開督撫於貢生朱一蜚謂係禮部錢大人外甥委署高陵縣徇私廢公等語緣臣本年閏七月初二日在城隍廟宣講

上諭適布政司張廷棟傳集試用人員驗委高陵縣員缺臣與查郎阿欲將監生韓鏞委署高陵張廷棟

稟稱前令高士鏞隨大將軍出征該縣養廉銀兩用人只當論才論及家道即為失言矣何在認識與否現養高士鏞家口貢生朱一蜚家道還好可以委

署臣觀朱一蜚為人似屬明白隨同署督臣委署

高陵縣事

臣

實不認識所稱錢大人也

一摺開

臣

於鳳翔等縣額徵鹽課重收火耗已經

查報置之不問等語本年五月十一日據糧鹽道

杜濱詳稱訪查得鳳翔府屬之鳳翔等五縣加派

重耗

臣

隨即批行布政司嚴查在案於五月十六

日據布政司等詳各屬自首陋規內有鳳翔府申

報府屬自首鹽規耗羨銀兩

臣

思鳳翔府屬既經

自首在案何糧鹽道杜濱又稱係伊查出之項隨



復批司確查去後旋據布政司詳稱鳳翔府知府  
劉柏於本年正月二十一日將收受五縣鹽規首  
明歸公經署司杜濱於正月三十日批明仰候彙  
轉又於三月初五日劉柏將所屬鳳翔等五縣鹽  
規耗羨俱行首出則非由杜濱查訪可知臣因彼  
時各府州縣一切陋規尚未徹底查清俟查清之  
日將此項彙案奏報是以未經

奏明今摺內云臣已逾三月竟視為尋常不干

功令之事

臣

現有批查卷案可據並非置之不問也

又云

臣

於鳳翔縣知縣任樞南因考棚科派經學

臣朱曙蓀查出

題叅督撫等亦隨趕叅等語查任樞南科派棚費朱曙蓀於六月二十九日

題叅並不移會

臣

於七月初五日始據鳳翔府由司

轉揭隨即會疏糾叅在案並無徇隱至此項私派係應叅之案其前項鹽規既經劉柏等首出係不

以上二條亦非無因而至也  
應叅之案並非舍大叅小也

以上各條謹據實陳明臣識見粗鄙仰蒙

皇上恩遇教誨提撕至再至三夙夜兢惕惟恐上負

聖恩乃不料有此摺奏臣之肺腑久蒙

聖主垂鑒臣亦何敢辯論但既有此奏倘不根究明白

臣之悚懼恐惶即夢寐亦不能自安仰懇

聖明鑒察如果臣有前項過愆情甘坐罪理合據實回

奏伏祈

睿鑒謹

奏

從此益當知為臣之不易居上位之尤難於一切處謹  
言慎行檢察防範可也將前數次所奉批諭時繹毋忽

雍正七年十月初四日西安巡撫

臣武格謹

奏為遵

旨回奏事雍正七年十月初三日署督

臣

查郎阿面交

奏摺一件傳

旨命臣明白回奏臣跪讀

硃批諭旨竊思以臣之愚鈍上厪

聖懷望切憂深

恩賜教訓臣敢不益加謹慎痛自改勉以仰副

聖恩至摺奏情節臣前同查郎阿看畢已於九月十五

日逐款聲明據實回

奏所有奉到

硃批諭旨理合恭繳伏祈

皇上睿鑒謹

奏

覽奏已悉

雍正七年十一月十一日西安巡撫

臣

武格謹

奏為請

旨事竊照協領莫爾渾自藏帶回兵丁沿途擾民一案  
雍正七年五月初十日准兵部咨奉

上諭莫爾渾著革職拏交將軍常色禮巡撫武格將伊

及兵丁沿途肆行之處嚴審定擬具奏欽此欽遵移  
咨到臣臣即會同常色禮將案內犯法官兵正在  
嚴查究擬間接奉

諭旨命常色禮帶領兵丁前往涼州駐劄臣因此案尚  
未審結隨與常色禮并署將軍臣查郎阿面同商  
酌查郎阿以奉

旨指名發審之案不便越俎常色禮隨將此案應轉交  
何人會審之處具奏請

旨今於十一月初九日據常色禮自涼州差家人來

臣

衙門面稟具奏會審莫爾渾一案奉到

硃批承審之處與常色禮無涉

臣隨與署將軍

臣查郎

阿面同酌議而查郎阿仍以奉

旨指名發審之案不便會審為詞

臣思此事係奉

旨發交將軍與

臣

會審之案署將軍既不會審

臣

亦何

敢自行審理但例限已逾不敢再緩仰懇

聖恩訓示或令查郎阿同

臣

會審或令

臣

自審之處恭



候

訓旨欽遵奉行謹

奏

此案查郎阿理應會審屢次推諉識見甚屬卑鄙將朕  
此諭令查郎阿知之

雍正八年正月二十九日西安巡撫

臣

武格謹

奏為遵

旨回奏事雍正七年十二月十九日總理稽查軍需兵

部尚書

臣

查弼納等到陝口傳

諭旨爾到陝西傳旨與武格伊為地方巡撫將緊要軍務不上緊辦理至於遲誤甚屬不合向後如有遲誤爾等即行查叅欽此

臣跪聆

聖訓不勝惶悚戰慄之至伏查西安一切軍需經大將軍

臣岳鍾琪

辦理之後未完事件本屬無多所有

接辦騾頭馬匹以及口袋鐵掌之類

臣

悉遵條款

照數備辦如期解送其續買解甘補換騾頭並准

查弼納等咨買備用騾頭以及鐵掌籠嘴腦包等  
項亦經如數解送會同署督臣查郎阿另摺奏

聞茲奉

訓旨嚴飭

臣

嗣後惟有益加小心兢業黽勉從事以仰

副

皇上委任至意理合繕摺回

奏伏祈

皇上睿鑒謹

奏

朕若不差查弼納等前來料理汝等甘陝督撫必至貽  
誤軍機難保首領也不能鼓舞勸懲令屬員知感知畏  
如此繁劇事件豈一二人所可辦集者乎不過束手待  
罪而已無恥無能之輩種種不協朕亦何勝批諭

雍正八年十二月初二日西安巡撫

臣

武格謹

奏為奏

聞事竊

臣

查陝省秋禾豐登二麥播種本年十月二十

一日各屬得雪自六七寸以至一尺有餘不等已  
經署督臣查郎阿會摺奏

聞又於十一月十四日普降瑞雪據西安府屬申報積  
雪三四寸不等據鳳翔漢中等府乾商等州各屬  
陸續報到同日得雪積地四五寸不等農民歡悅  
豐稔預兆臣不勝慶幸之至所有十一月分得雪  
日期理合繕摺奏

聞伏祈

皇上睿鑒謹

奏

俟明歲收穫後再為慶幸亦不為遲似此放言肆志朕不但毫不慰悅且代汝憂之

雍正九年三月十三日西安巡撫臣武格謹

奏為請

旨事竊查陝省現在辦理軍需凡有應行請

旨與奏

聞事件俱關緊要難以刻緩臣若遣家人齎摺由西安赴京程途二千餘里未免多需時日恐有遲延仰懇

皇上天恩俯念軍興之際凡應奏事件容臣由驛遞齎

送兵部轉

奏庶不致濡滯時日而臣於承辦事宜皆得恭請

聖訓隨辦隨

奏亦不致少有舛錯理合繕摺

奏請伏祈

皇上睿鑒謹

奏

另有諭旨命大學士轉傳

西安巡撫

臣

武格工部侍郎

臣

馬爾泰謹

奏為奏

聞事竊

臣

等節准部咨欽奉

上諭撥江寧滿兵一千名河南滿兵五百名直隸綠旗



兵一千名河南綠旗兵一千名來陝駐防又經廷臣議奏撥

上駟院馬並直隸山西山東河南馬共一萬匹以供甘肅調撥官兵之需奉

旨著將上駟院之馬一千七百匹解送西安交與巡撫武格分發餵養欽此嗣准署督臣查郎阿來咨准大

將軍

臣

岳鍾琪咨開直隸山東馬匹分發陝省餵

養山西河南馬匹分發甘省餵養先將臆壯之馬

挑選起解赴肅其不甚臆壯者仍留餵養次第起解等因俱移咨前來臣等隨將來陝滿漢官兵住居房屋並餵養馬匹事宜預為料理酌定江寧河南滿洲官兵會同將軍秦布安置滿洲城內其河南滿兵隨帶餘馬一千五百匹分發督撫兩標並城守營牽領餵養直隸河南綠旗官兵臣等即於西安城內之城隍廟開元寺空閒房屋并一應入官房屋分派居住

上駟院馬匹並直隸山東馬匹分發各州縣牽領餵養一切棚槽草料等項俱經預備齊全隨於本年二月三十至三月初七等日據河南副都統白清額帶領滿兵馬匹先後到陝臣等隨將官兵安置滿城其兵丁所帶餘馬一千五百匹尚欠廐壯俱難起解隨即分發督撫城守標營牽領餵養復於三月初四五六等日據侍衛奇通阿等解送

上駟院馬共一千七百匹據稱沿途倒馬二十三匹

臣等亦即會同親驗內有可以起解之馬一百四十九匹現在分發咸長二縣休養數日委員解赴肅州其餘馬匹看其臆分不便即為起解隨即分發各州縣餵養俟其臆壯再為陸續起解至於江寧滿兵並直隸河南綠旗官兵以及直隸山東撥解馬匹尚未到齊統俟到齊之日次第奏

聞另行彙疏

題報所有

上駟院解陝馬匹並河南來陝駐防滿兵以及隨帶  
餘馬到陝緣由合先繕摺奏

聞伏祈

皇上睿鑒謹

奏

馬匹最為緊要督令盡心餵養不可稍致忽畧

雍正九年五月初六日西安巡撫

臣

武格工部侍

郎

臣

馬爾泰謹

奏為奏

聞事雍正九年五月初二日准戶部咨開議覆寧遠大將軍岳鍾琪續奏西鳳運米一事倘山路難以車運腳價或有不敷令<sub>臣</sub>等據實議加將來或有續運令<sub>臣</sub>等確為妥商毋以已定本運固執原議等因奉

旨依議欽此欽遵咨行前來<sub>臣</sub>等竊查輓運西肅甘涼兵米一案前奉

諭旨隨悉心商議再四籌畫酌為本運之法派定起運日期於本年三月十六日為始將第一運糧石輓運起程已經備由

題報在案今查前項軍糧各州縣接連運送者約計十萬餘石第一運糧石於四月十六二十等日隴州汧陽縣已經運到甘州交收蒲城縣已經運到西寧交收其未經運完糧四萬餘石現在源源進發據委查糧運文武員弁以及經過糧運之各州

縣絡繹稟報沿途糧運並無擁擠一路口食草料俱經預備足供運夫買用駝運者由六盤山程途直捷車運者歷固原草地轍跡平坦牲畜車輛分途行走各無阻礙至於運送腳價每日每百里給以一錢六分諒足敷用臣等現在仍行悉心察訪果有不敷自當據實辦理議

奏斷不肯苦累運戶是此番輓運軍糧現在兩省情形實無難行不便之處惟是事無一定自當因時



制宜將來或有續運糧石臣等又何敢以本運已

定固執原議除俟糧運事竣另疏具  
題外所有現在輓運糧石情形理合據實奏

聞上慰

聖懷謹

奏

據奏輓運糧石情形嘉悅覽焉但軍需事關重大惟宜  
直陳不可絲毫隱飾



硃批諭旨卷五十三



總校官庶吉士臣侍朝

校對官檢討臣盧應

謄錄監生臣費恩綸

欽定四庫全書薈要

史部

硃批諭旨卷五十四

詳校官編修臣繆晉

欽定四庫全書薈要卷七千九百四十六

史部

硃批諭旨卷五十四

硃批常德壽奏摺

雍正三年四月初三日江西布政使臣常德壽謹

奏爲奏明事竊臣蒙

皇上隆恩特授江西布政使自抵任以來查得江西藩庫虧空通共銀二十八萬二千四百兩零內本省各縣行追年久無著銀五萬三千八百兩零并米

穀折價銀六千二百兩零外省州縣虧空無著咨  
回原籍行追銀五萬五千五百兩零并米穀折價  
銀一萬一千八百兩零以上通共銀一十二萬七  
千三百兩零經巡撫裴率度摺奏以通省各員公  
捐節禮補項約一年之內可以補完至於現在追  
審各案虧空銀共一十五萬五千一百兩零米穀  
六萬五千石零臣現今嚴飭承追各官竭力搜查  
追補如果無可追另行詳明巡撫議補具

奏又查江西通省應存倉穀一百一十五萬五千五

百石零應存倉米三千石零內據各道府申報各  
屬折價穀三十二萬三千石零今已買過穀二十  
八萬四千二百石零臣猶恐各屬倉糧虛報數目  
地丁錢糧那新掩舊現在委員盤查務必徹底澄  
清據實出結俟申報到日其虧缺無多者臣速催  
立即變補完足如有虧缺繁多一時不能完足者  
即行詳揭巡撫

題叅究追以清庫項爲此繕摺奏

聞謹

奏

知道了所開錢糧穀石各款項甚悉勉爲之

同日又

奏爲奏明事竊臣查得江西藩庫從前一切陋規歷任已經革盡止存火耗一項每年額解司庫地丁銀一百五十萬兩零向例平費每兩一分七釐五



毫一年全完共有平費銀二萬六千四百兩零內  
舊例應繳總督平規銀四千四百兩巡撫銀八千  
八百兩下剩銀一萬三千兩零又每年奏銷各屬  
收繳存留平費銀一千四百餘兩內除臣衙門一  
切公用約共需銀四千五百兩又臣幕賓束脩一  
千五百兩每年共該用銀六千兩其他或有額外  
之費尚未可定至於臣日用薪水等費無多總不  
過三二千兩俟歲底另行摺

奏竊思臣受此

殊恩圖報難盡斷不敢有一念私心爲身家計謹據實

奏

聞謹

奏

日前朕曾面諭總期於好而已亦不必矯廉立異也

雍正三年八月十八日江西布政使臣常德壽謹

奏爲奏明事竊臣恐江西各屬倉穀虛報數目地丁

錢糧那新掩舊是以委員細查務使徹底澄清當  
經摺

奏令除貴溪興安鉛山等縣虧空地丁銀兩屢催並  
不補足俱經揭報巡撫

題叅現在審究搜追外再查上饒宜黃弋陽峽江永  
豐餘干東鄉等縣虧缺地丁或一千以至二千兩  
不等臣勒限將各員徵收耗羨并令原籍變產俱  
已補足無缺又金谿東鄉貴溪豐城興安等縣共

盤缺倉穀一萬餘石亦經催令照數買足其泰和  
臨川南城新城星子等縣存價未買穀二萬七百  
餘石并湖口彭澤新昌清江等縣存價未買穀三  
萬餘石俱據各府詳稱目下早穀雖已登場晚稻  
尚未成熟價未平減俟秋收價平自當如數買足  
倘至期查有不行補足者即將通同徇隱之知府  
一併詳揭巡撫

題叅為此謹

奏

惟貴實心任事一切據實奏聞若稍欺隱負恩爲禍不淺

雍正四年三月初八日雲南布政使臣常德壽謹

奏竊臣蒙

皇上洪恩特調雲南布政使遵

旨乘驛於上年十二月十五日到任除交代庫項錢糧  
照款確查清楚具結詳送巡撫咨

題外所有臣衙門經收各項贏餘銀兩隨經按款細查每年有經收民屯條丁商稅

奏表等項約共剩平頭銀九千餘兩再查有箇舊錫廠除經收正課錫票及羨餘歸公等項外每年歲底核算約贏餘銀二千餘兩臣正欲俟交盤清楚後逐一

奏明適接新任浙江撫臣李衛寄臣手札內云滇中藩庫贏餘平頭銀兩曾經

奏明當蒙

皇恩著李衛寄信與臣將此項留作養廉等語臣感深

刻骨受此

天高地厚之德即捐糜頂踵恐不足仰報

隆恩於萬一所有臣感激私衷理合繕摺恭謝

聖恩至於滇屬各府州縣官員賢否因到任未久尚未  
周知其倉庫錢糧現行委員細加盤查尚未報到  
俟查明後各員內有虧數無幾平日居官稱職者

即令剋期彌補若有虧空數多居官平常者隨即據實揭報督撫

題叅斷不敢因循姑容有負

聖主簡用之恩爲此謹

奏

分別虧數多寡以示勸懲甚好但須實力行之耳

同日又

奏竊臣到任以來見各屬教職懸缺甚多即或委員



署理而鄰近州縣乏人相隔遼遠者又難於兼顧  
伏查銓選教職之例原由本省將恩拔歲副貢生  
挨順科目年次造冊送部遇有缺出吏部即照冊  
掣選但雲南去京七千餘里每遇缺出咨部銓補  
往返必須六七月以及八九月之久始得文憑到  
省又復轉行所屬取具文結方赴撫臣衙門考驗  
倘有文藝荒疎老邁不堪者勢必繳憑另選所以  
經年累月以致員缺久懸臣仰懇

皇上勅諭吏部將滇省咨部冊內應選教職人員挨次  
截取二十員發滇令撫臣預先考定文理精通分  
析等第註冊送部存案一有缺出照各省揀選之  
例即將考定之員挨次委署一面咨請實授俟前  
項人員將次補完另請截發如此源源相因則教  
缺不致久懸學校隆而人文盛矣是否可行伏乞

睿鑒施行謹

奏

此奏甚是已有旨諭部矣

同日又

奏竊滇省鼓鑄一事最爲緊要查錢局每爐每卯用鑄銅六百觔倭鉛四百觔共計價銀七十三兩二錢鑄錢一百零四串內除人工物料等項錢一十八串二百文外每卯實得錢八十五串八百文若照從前原定每串作銀一兩尚餘息錢一十二串六百文今因鼓鑄二年有餘錢文累積壅滯且又

行使不遠所以錢價日賤目下每銀一兩換錢一

千三百五十文較之原定報部價值每兩虧短銀

二錢六分每兩計虧短銀九兩六錢四分有零此

就省局每爐每兩核算若按照臨安大理霑益等

局通計每月共虧短銀一千三百九十五兩有零

臣細訪時價日低之故總爲錢文不能流通別省

以致累積壅滯若不設法流通將來虧帑更甚臣

於接見屬員時細加訪問據彌勒州知州伍綱昌

稟稱職係廣西人廣西錢價甚貴每銀一兩換大錢四百文換小錢一千六百文每大錢一文作小錢四文使用雲南至廣西交界剝隘地方馬運計程二十站自剝隘上船可直運至廣西省計錢一串約需水陸運費銀二錢三四分等語臣計算滇省目下時價每錢一串合銀七錢四分連腳費運至廣西省城每串核銀九錢七八分不等如雲錢運至廣西行通自廣西水路運赴廣東甚易其行

使既遠不獨

國課無虧商民樂利而錢文自可長遠鼓鑄矣但雲  
錢從未運廣若不奉

旨勅行恐到彼不能行使亦未可定爲此繕摺恭請  
睿鑒如果可行伏乞

皇上勅下廣西巡撫會同雲南督撫妥議合詞具

題請

旨施行謹

奏

滇錢運粵是亦通融之道當稟商督臣鄂爾泰酌議

雍正四年七月二十六日雲南布政使臣常德壽

謹

奏竊照雲南各府州縣一應經徵地丁稅課等項臣  
委員細查飭令據實詳報先經具摺

奏明茲據各委員陸續查報前來細覈各屬經收條  
丁等項銀兩俱無短少惟有存倉米穀內多虧缺

雖雲省存倉米穀歷係糧道經管但倉儲關係重大臣何敢不實力稽查今查得調任順寧府知府韓鍾於雲南府任內虧空倉糧除有項抵補外尚虧少米一萬四千餘石現在催令照數補足又富民昆陽彌勒等州縣缺少米二三百石爲數無幾現在嚴催均著尅日買補還倉又查曲靖武定二府和曲鎮南二州共缺米穀二萬九千四百石據各府州指稱有民欠未完者有存銀未買者有因



但母

公那用者紛紛申請於今歲秋收後照數買補等

語

臣見

各員

辦事

尚屬

勤慎

稟商

督撫

現在

嚴催

使腹

削民

脂而

爲貪

吏代

填虧

缺

俟秋收後若不全完據實詳揭

題叅究追至於雍正三年地丁

奏銷各冊臣已依限造送祇因各屬有虧少米穀未

清經督臣楊名時會

題叅展造冊遲延亦期速令彌補之意再祿勸州知

州賈秉臣奉調引

見業已詳委署員後因缺少倉穀一萬一百餘石據稱  
係前任移交民欠抵欸查賈秉臣居官稱職甚得  
民心若遽行詳叅恐失鼓勵之意續據該屬百姓  
具呈懇留該牧辦理清田均賦是以督臣楊名時  
復會

題展限數月今復任之後旋即徵完民欠穀二千餘  
好秉公爲之惟務實行不必專於奏摺留心  
石其餘未清現在嚴催剋期追補歸結以便令其

赴部引

見總不敢因循姑縱有負

皇上簡用殊恩再滇省種植五穀蕎麥居半今歲雨暘  
時若據各屬稟報蕎麥已熟現在收穫俱有九分  
十分不等禾苗亦甚暢茂將來亦有九分十分收  
成米價自必更賤而各屬缺少倉糧亦易於買補  
矣理合一併奏

聞謹

奏

雨暘時若深慰朕懷

同日又

奏竊臣查得俸工一項蒙

皇上體恤官役

特旨永行停捐欽遵在案惟滇省昔因大兵進藏軍需  
動用浩繁先經督臣楊名時

題明將通省俸工銀兩捐補還欸今除康熙五十六  
年起至五十八年止捐補過軍需銀一十萬一千

二百餘兩已經扣抵歸結外尚有五十九年起至六十一年十月底止應捐軍需銀四十萬二千三百八十餘兩原

題以雍正三年爲始按年捐補歸欸臣抵任以來循  
照

題定之案其雜職微員詳明督撫給以半俸養廉齋膳禁卒等役給以一半工食其餘州縣以上各官俸工盡行捐抵還項通計扣至雍正十一年方得

補完所有滇省扣捐俸工抵補軍需之處實與別省不同爲此繕摺奏

聞謹

奏

滇省有鄂爾泰如此督臣事事當稟商籌議而行所奏知道了

同日又

奏竊查滇黔二省田少山多額徵錢糧不敷支應故

歲需兵餉俱賴外省協濟夫同是王土王民何至  
盈縮懸殊雖曰田有肥磽亦由人事之未修也雲  
貴幅幘遼濶除石山陡崖以外非盡不毛之地若  
能因地制宜近水則種秔稻高阜則藝菽粟莫非  
膏腴沃壤緣流官管轄者十之三四土司管轄者  
十之六七土司不識調劑夷人不知稼穡俗語雷  
鳴田遇雨則耕無雨則棄坐守其困歲歲相仍而  
流官又因循舊習惟知歲收額編條糧了事此外

緊置不問所以地荒民窮而欲兵餉充足何可得也且各屬土苗素性兇悍動輒殺掠而土官營長暴斂橫徵豪占勢奪錢糧侵蝕過半田地強霸殆盡甚至擄人妻女殺人放火亦視爲常事今若概行叅革改流未免羣相驚畏臣愚以爲各土司內除現在小心供職夷民悅服者仍令照舊管理土地人民如果罪惡昭著者即行詳請叅究以土改流尚有冥頑不靈全憑漢姦撥置之輩飭令該管



上司官不時嚴飭訓誨改過若不能輒改者應請  
止照原領頒發號紙職銜准其承襲永不許干預  
地方事務查其舊有祖業酌撥房產若干務足養  
贍其家口一切所管村寨田土戶口以及從前占  
奪私莊俱令脩造清冊轉詳督撫確覈地方之遠  
近大小或

題請添設州縣或歸併附近州縣盡革土司之苛派  
禁嚴胥役之需索自必羣情踴躍欣爲

聖世良民其占奪私莊或賃民耕種額納官租或招民承買交價入官同各村寨田土戶口造冊

題報其荒蕪田地勸其開墾照例陞科他如舍傍田畔以及荒山不可耕之處度量土宜教種樹木將見野無曠土戶有蓋藏賦課日增兵餉漸足於國計民生似有裨益是否可行伏乞

皇上睿鑒施行謹

奏

苗獮情事務經鄂爾泰陳奏甚悉伊所料理斷無過不及之虞

同日又

奏竊滇省遠在天末產物無多一切服用之具無不取資外省全賴商賈流通務使近悅遠來方獲有濟然商賈未能雲集貨物仍復昂貴者皆因滇黔一帶山路崎嶇舟楫不通來往搬運艱苦倍常且自貴州鎮遠府至滇計程僅二十七站而設立稅

課七所夫設一所即多一所之費沿途查點需索  
耽延以致商販裹足查商販所運貨物一到鎮遠  
非運貴州即運雲南並無別路可通以臣愚見若  
在黔省者則立鎮遠貴陽二稅將安順普安永寧  
三處歸併貴陽其三處稅課按數令商販一總投  
納給發稅單執照齎驗在滇省者則將平彝縣之  
稅歸併雲南其稅課按照平彝縣原數投納仍取  
驗貴陽所給稅單照數抽收以杜漏稅之弊雲南

貴陽二處稅務俱在省城同城大員易於稽查雖有不肖胥役何能作弊如此則

國課仍無虧缺而商販得免需索耽延之累兩省商民均沾實惠矣因係兩省之事臣未便具詳督撫爲此繕摺奏

聞恭請

皇上睿鑒施行謹

奏

何云未便應具詳督撫斟酌辦理者

雍正四年十二月十一日雲南布政使臣常德壽

謹

奏竊臣前恭進

奏摺於雍正四年十一月十九日欽奉

硃批回滇遵即叩迎啓讀荷蒙

天語諄詳訓誨備至跪聆之下感深刻骨現今督臣鄂

爾泰往貴州審理長寨狝苗一案尚未回滇俟回

署後凡有一切地方事宜臣欽遵

聖諭事事與督臣斟酌辦理以仰副

皇上懷柔邊方撫綏漢夷至意再滇省各屬缺少存倉

米穀臣前繕摺

奏明之後日事嚴催茲據各府州縣詳稱俱經完補等語臣猶恐各屬有買少報多之處現在委員盤量如有虧缺即行詳請叅追至調任順寧府知府韓鍾虧缺前雲南府任內倉糧除催交銀兩照依

市價買補外其餘並未全完經臣清查虧數據實  
揭報督撫

題叅爲此奏

聞所有奉到

硃批一併恭繳謹

奏

知道了盡心爲之

爾爲鄂爾泰屬員得以親炙其人乃爾之大幸當竭力



效法之其才曷可企及其心可以勉能者鄂爾泰乃滿漢內外大臣中第一人也

同日又

奏爲恭謝

聖恩事雍正四年十一月二十一日奉雲貴總督仍管

雲南巡撫事

臣

楊名時牌開准吏部咨爲

題明事雍正四年八月十八日奉

旨依議圖理琛張楷俱著於現任內罰俸三箇月布蘭

泰法海福敏常德壽石文焯鄂爾泰查弼納裴率度  
陳世倌俱從寬免其罰俸欽此抄出到部咨院轉行  
到臣隨恭設香案望

闕叩頭謝

恩伏念臣至愚極陋荷蒙

皇上殊恩歷任藩司未報涓埃茲於江西布政使任內  
有未完虧空五案督催不力部議罰俸廼蒙

皇上格外洪慈

特賜寬免欣

寵命之遙頒戴

天恩之罔極惟有小心勤慎益加砥礪仰報

皇恩於萬一耳爲此繕摺恭謝

聖恩謹

奏

從來受恩易報恩難勉之

雍正五年閏三月二十六日雲南布政使臣常德

壽謹

奏竊烏蒙鎮雄兩土府久爲邊疆大害荷蒙

皇上將烏蒙土府祿萬鍾革職交與川陝雲貴兩督臣

委員會審督臣鄂爾泰聞

命之後晝夜籌畫不遺餘力仰荷

天威首惡就擒羣兇授首從此改土歸流永杜後患但

此時若不計出萬全將來仍難善後茲因奉委大  
員曲尋鎮總兵官劉起元永昌道賈擴基已抵永

寧據稱川省委副將張瑛與松茂道李世倬亦同  
到境據張瑛自稱在京條

奏八事內有以烏蒙歸滇鎮雄歸川以鹽津渡爲界

朕已降旨將鎮雄歸滇此語甚屬荒謬

其大關坐以內仍歸川省總督岳鍾琪亦是此意

等語臣竊思分疆畫界此兩督臣之事何敢妄叅

末議但欲剖烏蒙之半以歸滇省臣職任滇藩利

害所關甚大又何敢不言臣看川員行事自始至

今多不可解前部文到後督臣鄂爾泰隨委總兵

劉起元糧道張允隨即赴東川期與川員約至威  
寧會審相候六十餘日川省委員並無音信亦未  
將奉

旨革職部文行提土府後督臣鄂爾泰檄提候審而惡  
目楊阿台往川求救川陝督臣岳鍾琪反給以備  
兵五千印牌並不移知滇省使得藉爲護符整兵  
三千先攻魯甸幸而督臣鄂爾泰防備周密得以  
無事及滇黔進兵土府脫逃祿萬鍾母子已投川

境川員絕不通知鎮碓土府勾通烏蒙擁兵聚衆  
拒敵官兵及勢窮同奔隴慶侯母子亦投到川營  
復不移會迨至守備馬似龍遊擊張霍面會質問  
然後承認亦不拘帶候審徑送到成都更可異者  
叅將王剛銜稱

欽差黑白大人但係要犯俱送赴成都不得許根問遊擊  
龍有印等久經領兵駐劄筠連縣任憑官軍冒險  
前進夷賊拒敵既不前來接應并不隻字相聞及

斯乃傳聞之語未免太過其中委曲情節朕皆洞悉業見各關既破然後移營大關與威寧遊擊哈元生俱有旨矣

見面云已經招安凡此用意將欲何爲至於白迫阿木固等沿途設伏拒敵官兵及敗走逃赴川省乃給以外委守備并補褂緞足銀牌等項反令查勘烏蒙人馬貲財器物至兩土府積惡屢世今又聽漢姦劉建隆等陰謀誑使違

旨抗拘擁兵拒敵罪不容誅乃據劉起元等面晤張瑛等具道川陝督臣之意只審六案其餘年深日久



互相刼擄不必會審但令各有司報結即兩土府已革職繳印不審亦可我們不過問問詳憲具

題而已劉起元云既是會審凡屬三省刼殺大案俱

要乘此徹底澄清況傷損官兵情罪尤重如何問

朕悉

交鄂爾泰辦理此輩微員何能主持

問便罷張瑛意殊不然至若分界之說臣查烏蒙

一府原有上方下方之別上方是其衙署下方是其巢穴不獨器用財賄屯聚下方凡屬姦滑刼殺之徒皆聚於此今欲以鹽津渡爲界是本爲剿除

之謀仍留爲養姦之地事不畫一終難料理且不  
獨一郡不可中分卽烏鎮兩府亦難以各屬現在  
尚且嫉嫌將來尤恐撥弄又不如兩府仍屬川省  
此朕之初意之爲便也臣雖未奉委辦然軍前日報通省皆知  
事關重大不敢不留意謹將始末據實奏

聞謹

奏

凡百照此據實奏聞甚是此雖朕已知已辦之事閒覽

何妨或係未知未辦之事遇有可採取處於事寧不大  
有裨益耶嗣後但有所見所聞悉當如是奏知

同日又

奏竊查鎮沅土府自改土歸流以來夷民悅服並無  
異議惟刀瀚所屬土舍頭目人等向來兇悍罔知  
法紀忽於雍正五年正月十七日聚衆數百人放  
火焚燒衙署將署府事威遠同知劉洪度殺害刦  
課放囚并在抱母井地方抄擄不法各情由督臣

鄂爾泰聞報之日即飛調官兵并移咨提臣郝玉麟等發兵勦捕隨撥運附近倉米以濟軍食臣隨詳委師宗州知州章元佐前往署理鎮沅府威遠同知事務清查鹽課招撫夷民竈戶安業去後續據文武各官報稱各鎮協營官兵直抵鎮沅府四路布置堵禦嚴密仰仗

聖主天威各夷猺聞風盡皆逃匿深林密箐官兵遍加搜捕業將爲首之刀如珍刀西明等及猺賊姦細

并隨聲附和諸兇陸續拏獲共一百餘人搜獲銀  
四千二百餘兩其放去鎮沅監禁威遠之猓黑五  
名亦全行擒獲又遣撥官兵土練前往威遠勦捕  
猓黑務盡根株以靖邊方所有驚竄夷民及逃避  
竈戶盡行招集現今上緊趲辦鹽觔并稱鹽課確  
數因文卷冊籍燒燬尚未查實俟徹底查明另報  
各等情前來并将拏獲倡亂助惡之刀如珍等一  
百四十名俱已解省現今臣同按察使江芑細心

嚴訊確情分別首從招解督臣覆審

題報正法安插所有夷獍肆橫焚燒殺擄並官兵拏  
獲各犯搜追銀兩數目及招集夷竈情形理合繕  
摺奏

聞謹

奏

此事業經督撫提鎮備悉奏過矣類斯該督撫必應題  
達案件無庸摺奏可省一番煩瀆



硃批諭旨卷五十四